



Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 3 Yangia anidakangma : Tir Yimiyim

tir_yimiyim

tir yimiyim

TAPAK 7

Tir Droupadi Murmu-i states/UTs aikanung Angh tassenpurtem shim

US-i Iranian drone den raratsü teyari meshi: Zelenskyy

VOL. XXIII ISSUE NO. 143 (ADOK 143) DIMAPUR KÜPTOKNÜ (SATURDAY) METSÜREMI (MARCH) 07, 2026 ₹ 5.00

N.U pur 8th convocation sentong nung India tatong tir C. P. Radhakrishnan aden N.U kaketshirtemi Vande Mataram anema mepelaba sayu

Lumami, 06 March (TYO): Nagaland University pur 8 buba convocation sentong 6th March, 2026 nü parnok senden kilem I. Ihoshe Kinimi Hall, Lumami nung takok manung kaogo. Iba sentong nung India tatong tir, C. P. Radhakrishnan tongti tesemdang liasü.

Taküm N.U kübok stream balala nung degree agizükertemji parnok ajak agi 6884 liasü - Ph.D scholars 107, postgraduate 825, graduates (professional programs) 846, Undergraduate 5106. Item rongnung tangar dang alakteta takok angur kaketshir 54-i gold medalist agizük.

Tongti tesemdangeri iba sentong nung jembidang, India ya tangatetba kasa nung lungjemtsü aliba linük ka lir ta ashi aser Nagaland nung lanurtem dang Union Public Service Commission (UPSC) ama national service-tem nung shilem agia linük tenzüksü ajungshi. Linük tashi tulutibaji telungiem ta



8 buba NU convocation sentong nung India tatong tir, C. P. Radhakrishnan den stream balala nung gold medal angurtem den agiba noksa.

shia pai, Viksit Nagaland ajanga Viksit Bharat nung shilem agitsü ayongzük.

Paisa takok angurtem dang convocation ya tatem masü saka aien lenpi tasen ka tenzükba lir ta ashi. Pai alima nung kanga kara melenshiba tzü mopung indang

jembi aser lanurtem dang takok angutsü asoshi temelenshi den lirumedema aotsü ajungshi. Pai kaketshirtem dang pei sasa tangar den medemangtsüla ta ashi, kechiyong nisung shia dak sempet balala keta lir, saka nukjidong tejangja yur tejakleni aotsü ajungshi.

Paisa takok angur dang ner tsürabur aser tesayurtemi tarutsü

atema bendanga agütsüba mamatoktsü ayongzük aser nukjidong yur bendanga agüja terenlok asoshi inyaksü ajungshi.

Nagaland Angh aser University Chief Rector, Ajay Kumar Bhalla-i jembidang, iba otsüsütsü aketba sentong nung dentetba asoshi pelaba lemsatop aser pai India tatong tir pela-a agizükba den takok angur kaketshirtem dang

maneni meranga inyakba, aziökba aser shisatsü bushiba asoshi tenüngsang agütsü.

Convocation ya benjongbentsü ka dang masü saka meranga inyakba aser temulungtetba aliba benjong lir, ta pai ashi. State nung central university kija ama Nagaland University-i talangka angazükba, arok bushiba aser yangertetba indang tajungshiba ka asütsü asoshi khuret balaka bena lir, ta ashi. Paisa N.U Vice-Chancellor-i anir tesayur aser staff-temi lanurtem temulung yanglushitsü asoshi bendanga agütsüba asoshi tenüngsang agütsü.

Paisa takokertem ajungmesodang Angh-i, parnok degree dang masü saka ochishiba, aria bilem aser khuret balala bener arur aser lokti tajungba asoshi parnoki metetba shisatsü amshitsü ajungshi. Paisa alima kanga kara melenshiba nung apitetba (creativity), tasütait aser libaliruren lenisübaji tongtibang ta metetdaksü aser kaketshirtem dang taküm piyong angazüksü ajungshi.

(Maneni tapak 8 nung...)

NSF-i Minister Along onük ashishir

Dimapur, March 6, 2026 (TYO): Higher Education Minister Temjen Imna Along-i Nagaland Legislative Assembly nung telok kari National Institute of Technology (NIT) Nagaland maparen nung meinpronger ta jembiba atema o meyipsüogo.

Minister Imna Along-i NSF dak tuyua jembi aser onoki iba mapa ya NIT Nagaland nung nisung shimokba maparen nung tim masüba aliba atema inyakogo ta ketdangpurtemi ashi.

Minister Along-i assembly nung osang tesadang ka dang lemsatopba atema mepelar. Ibala inyakyim ajanga assembly aser public anisar ta NSF-isa ashi.

NSF-i NIT Nagaland nung tang teinyakdak recruitment process nung tim masüba aliba atema ashishiteper aser metongshitsü shiogo. Iba ya jakdaka tim masüba inyakba atema tebang aiba lir ta ketdangpurtemisa ashi.

NIT Nagaland nung teaching faculty 13.7% dang lisopurtem lir ajisüaka local representation 50% bosa alitsüla ta lateta lir. Anungji onoki ketdangpurtem dang aibelentem memetongshi tashi tanga tagidak recruitment exercise anena atatsü ayongzükogo ta NSF-isa metetdaksü.

Külen, NIT Nagaland nung non-local operators nem canteen services agütsüba atema tebilemtsü abener. Iba reju ya

Nagaland nung liaka local lanur aser entrepreneurs nem maangka magütsür ta NSF-isa metetdaksüogo.

Ano NIT Nagaland nung tesayurtemi regular lectures magütsür aser English mejembir ta tazüngertemi ashir. Iba ajanga lisopur kaketshirtemi Hindi agi sayuba junga mangateti timtemer ta NSF-isa ashi.

"Higher Education Minister-i recruitment maparen nung metokmeperi aliba aser kaketshirtemi tayongzükba balala ajuruba meteta lir asü mali? Iba reju tarutsü asoshi kümzükba ayutsü aser lisopurtemi takoksa majurudaktsütsü mechi nung onoki ola adoker" ta NSF-isa ashi.

Minister Along-i Naga nung taginübatem nung tenokdangba magütsütsüla aser Nagaland nung public rejutem ya lisopurtem senzükba ayuba tesemtem mekümdaktsütsüla. NIT Nagaland aser Nagaland University nung teaching aser non-teaching positions nung Naga lisopur 80% tashibo asütsü akhanger ta NSF-isa metetdaksüogo.

Tangalen nungi aruba non-local faculty members-i Nagaland nung rejutem ya parnok tangalen maangka tajung angutsü atema inyakdak tesemtem ama züngshir aser mid-session nung parnoki toktsür aoer aser academic calendar nung teti timtem agütsür ta NSF-isa metetdaksü.

Nand Kishore Yadav-i Nagaland Governor inyaksü

Dimapur, March 6, 2026 (TYO): March 5, 2026 nü India Tir Droupadi Murmu-i Bharatiya Janata Party (BJP) lennir tejen aser taoba Bihar Assembly Speaker Nand Kishore Yadav-i Nagaland Governor inyaksü shimogo.

Yadav ya August 26, 1953 nü Old Patna, Bihar nung aso. 1969 küm State Marwari High School, Patna nung pai matriculation tembang aser College of Commerce, Magadh University nung Bachelor of Science degree azüngtsü tenzük.

Ajisüaka 1974 küm graduation asütsü final year nung Yadav-i JP

Movement of 'total revolution' nung aden. Iba movement ya Jayaprakash Narayan-i anir tenzük.

Yadav-i 1969 küm Rashtriya Swayamsevak Sangh (R.S.S.) züngsem aküm aser 1971 küm Akhil Bharatiya Vidyarthi Parishad (ABVP) nung inyaksü tenzük.

1978 küm pai Patna Municipal Corporation nung Councillor ka ama local politics nung ajemok aser 1982 küm Patna nung Deputy Mayor aküm. 1998 nungi 2003 tashi pai Bihar BJP nung President inyak

1995 nungi kümsük tenetben

atongtepa Patna East (Patna Sahib) nungi pai Member of Legislative Assembly (MLA) inyaka liasü.

Idangji pai Bihar sorkar nung Road Construction Minister, Health and Family Welfare Minister, aser Tourism Minister dena mapa balala inyakogo.

2013 nungi 2015 tashi pai Bihar Legislative Assembly nung Leader of the Opposition inyak aser February 2024 nung pa Bihar Legislative Assembly nung 17 buba Speaker asütsü shimteta liasü. Pai iba mapa teinyakdak nung Nagaland Governor inyaksü shimogo.

Chümoukedima nung State Export Summit 2026 amunger

Dimapur, March 6, 2026 (TYO): March 6, 2026 nungi Rhododendron Hall, Nagaland Police Complex, Chumoukedima nung anogo ananü State Export Summit 2026 tenzükogo.

Iba sentong ya Department of Industries & Commerce-i Raising and Accelerating MSME Performance (RAMP) kübok Nagaland Industrial Development Corporation (NIDC) den yaritepa ayongzük.

Nagaland nung export ecosystem ajungkettsü aser Micro, Small and Medium Enterprises (MSMEs) tajungba kümdaktsütsü nukjidong nung

iba sentong ayongzükba amunger. Industries & Commerce, Director P. Tokugha Sema-i o jembidang export-oriented environment ka tentetba ajanga local entrepreneurs aser industries tashi itdaktsütsü ta ashi.

Industries & Commerce Advisor Hekani Jakhalu-ia export ecosystem akangshitsü indang jembi aser entrepreneurs dang international markets nung shishilembatsü atema product quality, branding aser value addition tajungba kümdaktsütsü ayongzük.

Directorate General of

Foreign Trade (DGFT), Agricultural and Processed Food Products Export Development Authority (APEDA), Export Promotion Council for Handicrafts (EPCH) aser North Eastern Handicrafts and Handloom Development Corporation (NEHHDC) nungi shisalen sayurtem iba summit nung arua adenba atema pelar ta Hekani-isa metetdaksü.

Iba summit mezüng anogo nung food processing aser tanabuba anogo nung handicrafts and handloom nung temulung agüja workshop agir.

(Maneni tapak 8 nung...)

MP S. Supongmeren Jamir-i Dimapur Railway Station semdang



Dimapur, Metsüremi/ March 06 (TYO): Dimapur Railway Station nung kisü-jensü mapa tang teinyakdak aliba Member of Parliament, Lok Sabha, S. Supongmeren Jamir-i March 6, 2026 nü semdang liasü.

Iba mapang pai kisü-jensüba nung terenlok aliba asadanga iba railway station nung terenlok maparen mapa kuma inyakba reprangshima liasü.

Iba tesem nung aliba ketdangsür temi MP S. Supongmeren Jamir dang project osang aser mapang shidak nung mapa renemtsü asoshi mera agiba indang lemsatepa liasü.

Passenger tem anisüngzüki angutsü aser district nung lenla ajungalen terenlok atema railway station nung ki o jen aser facilities tajungba kumdaktsüsü tongtipang lir ta

pai ashi.

Pai ketdangsürtem dang mapa shidak inyaktsü aser mapang shidak nung renemtsü ajungshia liasü.

District nung tongtipang ki o jen yangluba nung terenlok aliba asadangtsü merangba nung shilem ka ama pai iba tesem semdang aser iba mapang pa meina department balala aser railway ketdangsürtemi arua liasü.

Home Department-i Housing Census atema metetdaksür

Dimapur, Metsüremi/ March 06 (TYO): Government of India ajanga Ministry of Home Affairs nung metetdakja aser Extraordinary Gazette of India nung adokba ama aser Census Act, 1948 (37 of 1948) kübok Census Rules,

1990 indang sub-section (iii) nung tashi agüja aliba amshia, Census of India, 2027 indang first phase atema mapa, i.e. Nagaland nung House Listing aser Housing Census, ya July 1 nung July 30, 2026 tashi inyaktsü Nagaland sorkari

sangdongogo, aser self-enumeration ya June 16, 2026 nungi June 30, 2026 tashi alitsü, ta Home Department, General Administration Branch-I, Government of Nagaland sangdong ka ajanga metetdaksüogo.

Registrar of Cooperative Societies ajanga metetdaksür

Dimapur, Metsüremi/ March 06 (TYO): Sorkari metetdaksüba ama January 30, 2026 nü nungi tenzüka Bendangla Longkumer-i Registrar of Cooperative Societies, Nagaland, Kohima mapa agizükogo, ta Office of the Registrar of Cooperative

Societies Nagaland ajanga sangdong ka nung metetdaksü. Iba dak sendakba nung official tongtepratep ajak nung Bendangla Longkumer, Registrar of Cooperative Societies, Nagaland, Kohima ta amshitsüla.

Correspondence address ji

Office of the Registrar of Cooperative Societies, New Complex, Meriema, Below New High Court, Kohima-797004, Nagaland. Phone No: 8729993971 (M) 9402232003 (Office), Email ID: nagalandrcs@gmail.com alitsü, ta sangdong ajangasa metetdaksü.

Assam Rifles-i kaketshir atema National Integration Tour ayongzüki



Dimapur, Metsüremi/ March 06 (TYO): Telungjem aser lanur nem tashi agütsüsü tangatetba nung Inspector General Assam Rifles (North), Major General Harinder Singh Mavi-i March 6, 2026 nü Dimapur nungi National Integration Tour ka tenzüka liasü. Iba sentong nung Wokha district kübok Bhandari nungi kaketshir 20 aser tesayur asem-i shilem agitagi, koba Operation Sadbhavana kübok kaketshir nem linük nung sobaliba, education aser puti otsü balala angazükdaksüsü nükjidong nung ayongzüki alitsü.

Sentong tenzüka Officer-in-Charge, National Integration Tour ajanga iba tour indang tongmelang agi lemsatep aser iba sülen pastor kati sarasadem. Iba sentong nung Kohima nungi kaketshir kati ken ka tena lokti ayongzüki aser tour nung shilem agiba kaketshir nem tetushi agüja liasü. Sentong nung Assam Rifles lenirtem aser sepaitem, tsürabur, tesayur aser nübürtem dena liasü.

Inspector General Assam Rifles (North), Major General Harinder Singh Mavi-i iba sentong nung o tatsüka jembidang linük telungjem, awareness aser lanur terenlok

asoshi iba amala inyakyim ya kanga tongtipang lir ta ashi.

Pai kaketshirtem dang iba maangka agia parnoki ajangshiba indang nübürtem den lemsatepsü ajungshia liasü.

Iba tour mapang kaketshir temi Guwahati aser Kolkata semdangtsü, kong parnoki tejangja kaket reju, cultural centres aser puti otsü nung tongtipang tesemtem semdangtsü.

Kasa mapang parnoki Assam Governor, West Bengal Governor aser GOC-in-C Eastern Command ajurua sensaksemtsü maangka angutsü.

AR Sainik Institute ka semzüko

Dimapur, Metsüremi/ March 06 (TYO): Assam Rifles-i modern Cook House dener yanglua aliba Sainik Institute ka March 6, 2026 nü Dimapur Sector nung Lieutenant General Vikas Lakhera AVSM, SM Director General Assam Rifles ajanga semzüksüogo, koba sepaitem asoshi teyari aser administrative infrastructure ulushiba nung tongtipang mera ka alitsü.

Sepaitem duty maliba mapang anisüngzüki kazütsü atema iba institute ya yanglua liasü, kong chiyongtsü, recreational activities aser sepaitem anisüngzüksü tesem lir.

Mürekmeju tali tajungba kumdaktsüsü, sepaitem atema

chiyongtsü anepalutsür inyaksangshi tajungba kumdaktsüsü nükjidong nung iba tesem ya yanglua liasü.

Institute nung aliba Cook House nungya chiyongtsü tajung mapang shidak nung renemba nung yaritsü aser chiyongtsü tamajung akumba nungi kumzüksü.

Iba sentong nung Director General Assam Rifles-i sepaitem den sensaksema yimya tajung amshiba, administration aser sepaitem ajangzüksü mapa inyakba atema tenüngsang agüja liasü.

Sepaitem tensa balala nung saksalema aser renemshia alitsü atema ki o jen tajung aliba ajanga teyari tulu agütsür, ta pai ashi.

Dimapur nung DISHA senden amen

Dimapur, Metsüremi/ March 06 (TYO): Deputy Commissioner, Dimapur ajanga District Development Coordination and Monitoring Committee (DISHA) senden ka March 6, 2026 nü Deputy Commissioner, Dimapur indang Conference Hall nung ayongzüki MP (Lok Sabha), S. Supongmeren Jamir mendenpuba sür mena liasü.

MP Lok Sabha aser DISHA Chairperson, S. Supongmeren Jamir-i iba senden nung jembidang, sorkar indang schemes balala mapa kuma inyakba asadangtsü aser nübürtem nem item teyari agütsüdaktsüsü mechi iba senden ya ayongzüki ta ashi.

Projects tem ochishia shidak inyaksüla aser project areas

aserteyari angutsüpur shimba maparen ya kanga kumdanga inyaksüla aser temsüa aliba nübürtem shidak ajangzükdaktsüsüla, ta pai ashi.

Jamir-i ketdangsür aser committee züngsemtem dang terenlok aliba aser scheme balala inyakba mapang timtem ajangshibatem rakpoka lemsatepsü ajungshia liasü.

District level nung bentettsü makokba ken o tem state-level committee dangi abentsü, kong Chief Minister tekolak sür lir, ta ashi. Pai Dimapur nung world-class railway station aginüba indang tejangraba lemsatep aser Railway Station semdangba mapang iba ken o ketdangsür den jembioigo ta metetdaksü.

(Maneni tapak 8 nung...)

JABALI DEVELOPMENT CORPORATION LIMITED

Senden Riju, Purana Bazar, Dimapur - 797112.

JOB ADVERTISEMENT

JDCL nung item mapa inyaktsü tenüng meshir, anungji temsüa alirtem rongnung tejangrartemi iba ita March 11, 2026 tashi nung tsünglanglen agüja aliba email address aser WhatsApp nung pei tenüng den temetetsütem ajak zülur yokangma :

1. Multi-Task Associate -

Role: The Multi-Task Associate will assist the organization with a range of field and office support tasks.

Responsibilities (Teinyaktsü mapatem) :

- ❖ Visit banks and government offices for official paperwork
- ❖ Handle document submissions and collections
- ❖ Assist with minor purchases and office errands
- ❖ Support administrative activities as required
- ❖ Travel locally for company-related work

Requirements :

- ❖ Responsible and trustworthy
- ❖ Ability to travel locally for work, especially in and around Dimapur, Chumoukedima and Niuland districts.
- ❖ Basic understanding of office procedures preferred
- ❖ Must own a two-wheeler vehicle for official travel and field duties

Qualification : 12th Passed. Salary - Negotiable.

2. Front Desk Executive

Role: The Front Desk Executive will manage communication and administrative tasks within the office.

Responsibilities (Teinyaktsü mapatem) :

- ❖ Handle customer and client phone calls
- ❖ Manage front desk operations
- ❖ Assist with office documentation
- ❖ Basic social media posting/handling
- ❖ Use Microsoft Word and Excel for simple tasks

Requirements:

- ❖ Good communication and interpersonal skills
- ❖ Basic knowledge of Microsoft Word and Excel
- ❖ Familiarity with social media platforms
- ❖ Organised and professional attitude

Qualification : Bachelor's Degree in Commerce (B. Com) / Business Administration (BBA) preferred.

Salary - Negotiable.

Item mapatem nung ya Aotsür-Aortem dang agitsü.

Contact : 98635 66932

Email : info@jdcl.co.in

WhatsApp : 81052 38311

AXIS BANK | **AXIS Bank Ltd**
A.C.Market, 4th Floor, 1, Shakespeare Sarani, Kolkata- 700071

E-Auction ajanga hon ayoktsü sangdong

Talisa sen apurtem aser public dang ya sangdonger, tsünglanglen shia aliba accounts nung shia aliba hon osettem Axis Bank-i tsünglanglen shia aliba Branch nung auction asütsü.

Tsünglanglen shia aliba sen apurtemi Axis Bank Limited nem security ama hon osettem agüja ("Gold Loan Facility") kübok Bank dang nungi sen apua liasü. Sen apurtem/Guarantors nem Demand notice agüja sen apurtem/Guarantors dang Gold loan facility ajanga agiba sentsüh agüjang ta metetdakja liasü. Ajisüaka sen apurtem/Guarantors-i sentsühji magütsüet nung bank-i hon osettem talisa teküboklen schedule of property nung shia alibaji e-auction asütsüsa akümer, 17-3-2026 (anogo) nung nikongdang 12.30 ako nungi nikongdang 3.30 ako tsüngda (e-auction mapang) "Kong aliar yamaji", "Koma aliar yamaji", "Yangji aliba ajak" aser "No Recourse Basis" nung ayoktsü. Sen apurtem aser sentsüh tejangja.

BRANCH_RAC_NAME	Customer Name	Loan A/c No	Amount Outstanding	Date of Demand Notice	Gross weight grams.	Net weight grams
DIMAPUR [NL]	ABDRESH RAY	XXXXXXXXXXXX9665	135575.00	9/Feb/26	19.900	19.400
DIMAPUR [NL]	M PANAO KONYAK	XXXXXXXXXXXX6684	76668.00	10/Dec/25	12.400	12.000
DIMAPUR [NL]	SHAIN AHMED LASKAR	XXXXXXXXXXXX9778	70118.00	19/Dec/25	14.500	13.200
LHOMITHI BAZAR NL	RAUSHAN KUMAR	XXXXXXXXXXXX2768	199045.66	19/Dec/25	24.500	24.000
PURANA BAZAR, DIMAPUR [NL]	NUKENNARO JAMIR	XXXXXXXXXXXX0515	120086.00	10/Jan/26	15.200	14.700

Jelia memetdaksü account agents/auction anogo melenshütsü atema Axis Bank Ltd. dak tashi lir. Auction ji online ajanga <https://gold.samil.in> (online vendor indang website) nung nikongdang 12.30 ko nungi nikongdang 3.30 ako (mapang) tashi agütsü. Osang aser telatbatem tejangja atema agüja aliba website <https://gold.samil.in> (online vendor indang website) nung repringang.

Date: 07.03.2026
Place: kolkata

Authorized Officer,
Axis Bank LTD

Totzü alitsü atema US-i India dang melaba opposition-i aitsür

New Delhi, Metsüremi/ March 06 (Agencies): India-i saru atema kecha marendaki ita ka tashi Russia dang nungi totzü alitsü akok, ta US-i India nem metetdaksüba sülen Hokolbarnü opposition lenirtemi sorkar sashia aitsüogo.

Lok Sabha nung Opposition lenir, Rahul Gandhi-i Ato kilonser Narendra Modi aitsüba olen ka nung, tang India nunger foreign policy ya nisung kati atsü-anemba ajanga lir, ta ashi.

US-i telemtetba agütsü. Asen Ato kilonseri iba telemtetbaji magütsü," ta jembia liasü.

Tang Iran den rara adoka aliba nung ajemdaker US-i, Indian refiners-i anogo 30 tashi Russia nunger totzü alitsü akok ta metetdaksü.

AAP tongti lenir Arvind Kejriwal-ia X ajanga, "Russia dang nungi totzü alitsü atema India nem temelaba agütsütsüsa America ya shiba?" ta metetdaksü.

Kejriwal-i, "Tesüiba ita ishika tsüngda linük nung nüburtemi timtem ka nungi ka ajangshia arudar. Mapang ajak nung nai Trump matsüngdang apudaker, aser pa matsüngdang jembitsüsa na tasü mait," ta metetdaksü.

Rahul-i X ajanga, "India nunger foreign policy ya asen nüburtemi timtem ka nungi ka ajangshia arudar. Mapang ajak lateter. Iba ya asen puti otsü, geography aser Satya den Ahimsa nung tera-yanga alitsüla. Tanü asenoki ajangshiba ya policy ka masü. Iba ya nisung kati atsü-anemba agi lir," ta ashi.

Tawa Lok Sabha senden nung jembidang Rahul Gandhi-i, "India nunger energy security jenjang makai kumogo. US-i asenoki shirnok dang nungi totzü alitsü mesüra malitsüar ashitsü - Russia asü mesüra Iran dang nungi totzü alitsüar

Kejriwal Hindi oshi agi X ajanga, "Mr. Modi, nai Trump matsüngdang apudaksüsa kechi asü? India ya kum meyrjang aika tain lir. India ya nütüng billion 1.4 aliba linük tuluka lir. India nung nokinketer jenti adokogo. Tesüiba mapang India-i kodanga yamai linük ka matsüngdang mapudak," ta metetdaksü.



March 06, 2026 nü Bengaluru nung state assembly senden tagidak mapang nung Karnataka Assembly nung opposition lenir, R Ashoka aser BJP state Tir, B Y Vijayendra na den tangartemi sorkari benokba budget anema longkak aitba noksa nung angur.

Tir Droupadi Murmu-i states/UTs aika nung Angh tasepurtem shim

New Delhi, March 06 (Agencies): Brihostibarnü C V Ananda Bose-i ajungbena West Bengal Angh menden nungi anemba sülen iba menden atema Tamil Nadu Angh, R N Ravi shimogo.

R N Ravi Angh shimba sülen BJP aser opposition na aitsütep tenzüko.

Brihostibar aonung tesü linük Tir Droupadi Murmu-i states aser Union territories aika nung Anghtem asetshitepa shimshigo.

Ladakh nung Lieutenant Governor Kavinder Gupta Himachal Pradesh Angh shim aser Lt Gen Syed Ata Hasnain (retired) Bihar Angh shim. Yaküm January ita nung Arif Mohammed Khan-i Bihar Angh tenangzüka agia liasü.

West Bengal nung assembly election agütsü mapang ana nung lia C V Ananda Bose-i ajungbena Angh menden nungi anemba ajanga aika süngmangteper.

Osangbener den phone ajanga ajembidang Bose-i, "Au, ni menden nungi anenogo. Ni Bengal nung kum asem ser tesadang Angh inyakogo, aser ibaji ni asoshi teperi," ta ashi.

Bose Angh menden nungi anemba dak sendakba nung Centre sorkar aika West Bengal Chief Minister Mamata Banerjee-i, election agütsü mapang ana nung lia



Union Home Minister Amit Shah-i Bose dang yimtenren dak sendakba nükjidong kar ataloktsü atema inyakang ta rongshi asütsüsa akok, ta ashi.

RN Ravi-i Tamil Nadu Angh menden azüngtettsüba sülen Kerala Angh Rajendra Vishwanath Arlekar-i Tamil Nadu Angh repsema inyaksü.

Taoba mapang Indian ambassador to US, Taranjit Singh Sandhu Delhi nung Lieutenant governor (LG) shimogo. Delhi LG Vinai Kumar Saxena Ladakh L-G shimogo.

Telangana Angh Jishnu Dev Varma Maharashtra Angh shimogo. Yaküm September ita nung C P Radhakrishnan linük tatong Tir shimba sülen pai Maharashtra Angh menden toktsü aser Gujarat Angh Acharya Devvrat nem Maharashtra Angh repsema inyaksü nunglojka liasü.

BJP lenir aser taoba mapang Bihar assembly nung Speaker Nand Kishore Yadav Nagaland Angh shimogo.

AP nung tanur tanabuba/tasembuba asor nem teyari agütsütsü

Amravati, March 06 (Agencies): Andhra Pradesh state assembly nung Chief Minister N Chandrababu Naidu-i, tanur asoba ajungshitsü atema tanur tanabuba mesüra tasembuba asoba mapang nung sen 25,000 teyari agütsütsü, ta metetdaksü.

Chief Minister-i, tang state nung kibong shilem 58 nungbo tanur kaka dang lir, kibong lakh 2.17 nung tanur anana lir aser kibong lakh 62 nung tanur asemsem mesüra iba dang nungjagi teimba lir, ta metetdaksü.

Naidu-i, Andhra Pradesh nung 1993 kum Total Fertility Rate (TFR) 3.0 liasü ajisüaka tangbo TFR ji 1.5 dang

kumogo, ta metetdaksü.

Nütüng shidak liromedema alitsü atema TFR ji 2.1 alitsüla, ta pai ashi.

TFR ajema akümba ajanga mapa inyakertem nübo agi kanga anüngtsü aser rongsenkettzüng tsütsü timtem aika ajangshitsü; tang Japan, South Korea aser Italy ama linüktem nungbo item timtem ajangshidar, ta paisa metetdaksü.

Sorkari April 1, 2026 anogo nungi tenzüka population management policy ji benoktsü aser iba mapatong kübok kibong nung tanur tanabuba mesüra tasembuba asortem nem tanur asoba mapang nung sen 25,000 teyari agütsütsü.

Iba dak alia tanur tanabuba-

tasembuba asoba kibongtem nem tanurji arrshi kum 5 majung tashi ita shia sen meyrjang kaka teyari agütsüba den külemi tanurji arrshi kum 18 ajungba tashi angati shisaliok agütsütsü.

Iba dak alia parental leave ita 12 aser tebu nem ita ana sodi agütsütsü. Iba dak alia tanur 50 shia atema child care centres kaka amenoktsütsü.

Iba policy kübok working women's hostels, pink toilets aser tetsürtem nem 'She Cabs' agütsütsü.

State sorkarisa IVF service atema Matrutva centres of excellence amenoktsütsü aser primary health centres 175 nung hopta ana tashi Special clinics ayongzüka katsütsü.



March 06, 2026 nü Kolkata nung SIR inyakim kübok tim masüba nung electoral roll nungi tenüng aika agienogo, ta tai tonglojka longkak aitba sentong nung West Bengal Chief Minister aser TMC tongti, Mamata Banerjee-i jembidang tangokba noksa nung angur.



TIR YIMYIM YIMOBILEM (EDITORIAL)

DIMAPUR

KÜPTOKNÜ

METSÜREMI 07, 2026

Vande Mataram ya kechi ?

Yaküm küm nungi linük nung ano linük naklo ken ka "Vande Mataram" asentenshia yimten sentong ajak nung atentsü asoshi BJP teloki aniba government-i merangba angur aser ano külen opposition nung alirtem Congress teloki anir anemba angashir. Ajisüaka, yimten sentongji yimten nung alirtemi latettsü asünungji, tangbo joko center government nungi Home Affairs Ministry ajanga India telongjem kübok aliba state ajak dangi iba Vande Mataram ken ya kaketrejutem nung dang masü saka tatar senden metenzükdang tatartemi dena atentsü asoshi ozüng küma tetuyuba agüja lir, anungji Nagaland tatar senden nunga tang nungibo tatar senden tenzük shia iba linük naklo ken "Vande Mataram" ya atentsüsa akümer. Ajisüaka, Nagaland tatar senden nungbo iba ken ya atentsü atema tatartem aikati nungnanga bilema ken o lemtepa asenoki angashiogo. Atangji, linük naklo ken ya 'Jana Gana Mana' lir saka ano kasa 'Vande Mataram' ken yaa linük ken ama atentsü asoshi agizüka lir, ajisüaka Nagaland ama Khristan tatartem dang aliba tatar senden nung iba ken ya atentsü nungnangbaji, ibai linük ken dang masü saka Hindu tamangba yimsü ken küma mejema lir. Vande Mataram tetezü Sanskrit nung " Oja, ni na külemer" mesüra " Oja, ni nü nung asanger" ta ashiba lir. Ibai India nung yimten nüchiso asoshi raraba mapang 1875 küm linük meimba ken ka Bengali nung Bankim Chandra Chattopadhyay-i mejemba lir. Aji oda, " Oja, ni na külemer" ta pei tetsü taso lima meima atenba ken asünungji, iba ken yagi India nung pei tetsü taso lima meimertem ajak mulungjang nung kongshia aten aser pei tetsü taso lima nüchiso asoshi tasü itta raratsü mulungtetdaksü. Ibayongjiang, India yimten nüchiso asoshi teraradak mapang, 1896 küm linük yimten nüchiso bushir telok Congress lokti senden nunga iba ken ya aten aser iba sülen linük nung jembiba oshi tongtibang aika nung meyipa atentsü tenzük. Ajisüaka, iba ken tekong kar nung, ojala ta asüba agi Hindu tsüngrem Durga aser Lakshmi kümer, item tsüngrem tenüngtem tetshia mejema aliba agi, Hindu nung masüba tanga yimsü amangertem, talisa Muslim nungertem anema apuso. Ibayongji, Congress telokisa luden ka shima reprangshi aser iba committee ajanga bener aruba ama, kasa ken Vande Mataram nung Hindu tsüngrem tenüng tetshia aliba tekong tesüsaba ana endoker, mezüng tekong anaji dang linük ken kümer atentsü asoshi lemtet. Atangji, 'Oja, ni na külemer' Vande Mataram ta asüba linük ken ya kensüa tajung aser Hindu tsüngrem tetshia aliba agi magizükteter dang ashi, ibai linük meimba ken lir. Ajisüaka, Hindu dang masü saka tamangba yimsü aika meyoktepa alidak, kasa linük aser kasa tetsü li naklo ken nung kari amangba tsüngrem tenüng dang tetshia mejema atentsübaji tim masü. Iba tangatetba nung linük temzüng yanglurtemia tamasayongi India yabo tamangba yimsü kati dang amokbanger yimsü asüba lima ka masü saka tamangba yimsü ajak sademsadema sayuba aser amangtetba lima ka asütsü ta akangakanga lateta yur külenang linük temzüng ozüng saya. Ajisüaka, tang Vande Mataram ken mejemer küm 150 ajungba tenüng nung center nung BJP teloki aniba government-i iba ken ya tamalen lateta aliba ama mezüng tekong anaji dang masü saka tekong ajakji ozüng küma atentsü asoshi telemtetba agir metetdaksüba nungji, pei tetsü tasoli dangbo BJP telok temeimba meimba tangatetba ka reprangteter. India ya Hindu nung kanga agia teimba aliba linük ka lir aser BJP teloki India ya Hindu lima ka küma yangluner, anungji Hindu yimsü dak amangertem peladaksüra, iba jagi India nung nütsüng yongsük teimba peladaksür asütsü aser nütsüng teimbi mulungba nung yimten lateta yimsü asüba lima, India ama ka nung Hindu nung peladaksüra, iba jagi election matongdangyongi takok agütsür. Ashi, Vande Mataram kensa asüyonga, lateta akaba ama tekong anaji dang aten nunga koda jungla !

OLEMSABANG

Lirla mali - Moaba meliaka lir

Temjenmomgla

(Yashi adok nungi...)

Otsüla Lirla par semchiri inyakbaji ngur tepela agi ajeb tenzük, aser iba tesangwa nung semchir tejak nung pangsumo ajak adoker, joko asangor tajung kumteter liasu, aji ngur ano manenteti ajeb, aser anü madok tashi Moaba bendang lima nung ango abuba aser inyak ba otsü adonga kazu..

Moabai par yimer ajak nem iba tesangwaji agutsünü saka pa ket nung oset peria mali aser yanglutsüsua junga mangazüktet-i liasu anungji pa tanaben tetsü Lirla, kisungyutsür pa temolung ani mesüngzükte aotsü lemtet, ni maru tashi iba melen ya nai amshiang aser kodang ni tanaben arudi idangi dang yimer ajak nem bener arutsütsü ta shir, jebyonga meonuseta ao kechiba tasüra, otsü Lirlai tanger yaritsü aser tanger nem agutsütsü ajungshia liasu.

Iba nü nung jagi joko otsu Lirla anü maidang nungi ki kishi shibang aser shinga marudaksü.

Yimer tem : Otsü lir mali?

Otsu Lirla : Otsü Lirla mali, asung dang arung.

Oda joko Otsü Lirlaji anogo ishiaka lia bo, lai, kidanger, kiyonger, kinünger, shinga telungi maitdaksü aser window nungi dang, temeimer arurtem den jembi saka aji-a anena akum. Lanurtemi iba kenya lenti ajak nung tenluktsü:

Ohoi! tenu, Otsü Lirla, ali mali?

Mali, mali.

Tanü-ah mali,

Yashi mali asü,

Oh! obu, oda asünga malitsü akok!

Oi! tepu, Otsü Lirla kodang arutsü?

Aya, Otsü, Otsü Lirla mali, kodang arutsü memetet.

Saka yangi mali,

Mali, mali.

Tanü-ah mali,

Yashi-a mali asu.

Oh! Obu, oda asünga malitsü akok..

Aya aya otsu Lirla mali

Lia lia Lirla, ali mali memetet..

Arung reprangdangti.

Aya, aya, Otsu Lirla, lir mali?

Mali, mali, Lirla mali.

La iba tesangwa ji joko shinga danga mesayu nui aküm aser nisungtem lar kidang la anepalua arur tem ajak anepdang aser aonung arur ajak rara meyindok, aser yimer tem ajak la asoshi shisabulua akhum. Saka, joko hepta terok shi suyia oaka otsüla Lirla-i kidangi shinga maitaktsü anungji nisung ajak, lar kidangi anogo shia ken-kenbosa aru-a ka kechi nendaktsü ta bilem ibaji la nem, lar kishi tsüngdang yutsü.

Oda, alu arütsü mapang adong nung alu rüa alu nung mejangtsü aküm, anungji otsü Lirlaer kidangi, ana aonung tashi motet-i liasü.

Otsü Lirla, lar semchir shilangtsü ataya chara tapok nungi achi saka, maroba agi taonunga joko tanabuba charak to tsüklok, saka taonunga shinga maru, lai parnok aru dang milen tesangwaji shibangtsü tasür ada dang, la memeteti, meshibangi amazüka ao.

Aser chara ki kiji joko talangka anepalu masü, iba nung jagi raksaliba aser kilem nungi aji aluba agi mi aplok aser la suja-a ao, aser tanem tanemi la sepeti nunga mi aplok aser ibaji arungba ajanga la a saka-a aru, saka joko mokozi aki ki sünger liasü aser lai arunga, jeba, "la yariang, la yariang" ta ajeb, saka yimertem alu nung mejanger liasa aser tetsür tanur tem ajak bei bei kidang mejanga toker laisu anungji shingai mangashi-i liasü.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Arogo ka nung züngsem 41 kümzüka Israel nungi US-i anir ao



South Carolina nung aliba Calvary Chapel Summerville nung züngsem 41 Israel nungi kümzüka anir aruba sülen tangokba noksa nung angur.

March 06, 2026: South Carolina nung aliba Arogo ka nungi züngsem 41-i Israel semdanga aliba mapang nung rara adokba ajanga parnok hopta ka tali amongtsüsa aküm, ajisüaka tangbo parnok ajak kümzüka US-i anir ogo.

Calvary Chapel Summerville Arogo nung züngsem 41 ji bus ka ajanga Israel nungi aniteta Jordan-i anir ao, iba sülen tayimtsü ka ajanga US-i anir ao. Brihostibar nikongdang parnok John F. Kennedy International Airport tonga ao.

Iba Arogo nung assistant pastor, Charles Timmerman-i, "Asen taküm nung asen tamang jenjang ya


tongtibangtiba lir. Onok sarasadem langzüba atema onoki Tsüngrem aser asen Kibuba Yisu Khrista dang pelar. Nisung aikati yaritepa liasü, anungji onoki parnok danga pelar," ta metetdaksü. Timmerman-i, Arogoi Republican U.S. Senators-Tim Scott aser Lindsey Graham na aser U.S. Rep. Nancy Mace nung den tongtepratepa liasü, ta ashi.

Ajioda South Carolina nung Congress züngsem asempronglai Arogo tenung nung U.S. State Department den tongtepratep, iba sülen Mace-i Calvary Chapel nung tongti pastor den tongtepratepa liasü, ta Timmerman-i metetdaksü.

Arogo nung züngsem 41 ji hopta ka tejaklen Israel nungi meyipa arutsü sentong liasü, ajisüaka Ambassador Mike Huckabee-i tekümdangtsü metetdaksüba ajanga parnoki sentongji thinen. Iba sülen Honibarnü parnok tayimtsü ajanga arutsü atema airport nung aliba mapang nung Iran linüki amakba ajanga Israel airport shibanga liasü.

"Onok tayimtsü anendak aliba mapang nung tekümdangtsü osang metetdaksü, aser bomb apokba ola onoki angashia liasü. Parnoki onok bomb shelters nung onok jenokdaksü," ta Calvary Chapel Pastor Vic Carroll-i metetdaksü.

Israel dak sendakba tatalokbatem ajakji tongtibang: Jack Hibbs



March 06, 2026: Taoba hopta tatembanglen US aser Israel nati senteper Iran amakba sülen tang rara tulu adoka aliba mapang nung Laishiba tsütsü mongintemi Laishiba nung aliba shin otem shisadang tenzükogo.

Laishiba nung shin o tsütsü mongin, Pastor Jack Hibbs-i, "Mathi 24:6 nung Yisu Khristai tatembang anogo temaitütem rongnung raraba olulutem alitsü ta shia lir. Nenoki raraba olulu angashitsü, ajisüaka nenok maoksatsüla. Item ama tatalokba alitsü saka tatembang arutsü ano mapang lir ta Yisui ashi," ta metetdaksü.

Paisa, "Yohan 14:29 nung Yisui yamai shia lir, 'Kodang mapang tongdir nenoki amangtsü asoshi anojungi ni nenok dang shiogo' ta shia lir," ta metetdaksü.

Pastor Hibbs-isa, Israel den sendaktepba tatalokbatem ajakji kanga tongtibang, kechiyong

Tsüngremi Israel ji 'Pa tsüngdang metoklashi ama lir' ta shia lir, ta metetdaksü.

Hibbs-i, "Yeremia 49:34-39 nung shin o aliba ya tapet ama bilemer, kechiyong iba Lai tekongtem nung Elam (Iran) nüburtem, akhidang Persia yimli, tanü putu nung Iran ya mopung pezü ama prokshitsü indang shia lir. Iba Lai nungsa tatem sabo parnok meyiptsü ta shia lir," ta metetdaksü.

Paisa 1979 küm Islamic Revolution mapang nung Persia nung million ka dak tali prokshiba metetdaksüba den külemi tarutsü nung parnok tanaben adenshira ibaji ajanga iba shin o ya ataloktsütsü akok, ta ashi.

Paisa, "Yeremia 49:34-39 nung shia aliba atalokba asenoki tang angur asü?, tang Tsüngremi chuba aser parnok senmangertem samatsür asü, aser jenshia alirtem tanaben

anidentsü asü?" ta asüngdang.

Chuba aser senmangertem samatsüba ya tang aliba yimsüsürtem samatsüba asütsü akok, ta paisa metetdaksü.

Ezekiel 38 nung Israel tesünap nung aliba indang shia lir. Israel-i Hamas aser Hezbollah tashi meiti kümdaktsüogo aser tang Iran sorkara melenshira Israel nung tesünap alitsü akok, ta Hibbs-i ashi.

Pastor Hibbs-i, Islam chirepba ajanga Antichrist temai adoktsü akok, ta ashi.

Donald Trump mezüng kümsük (term) US Tir inyakba mapang nung aser coronavirus wara mapang nung Iran nung Laishiba aser Khristan kaketterem kanga download sütepba Central Intelligence Agency (CIA)-i bushiteta liasü, aser ibaji ajanga Islam linük (Iran) nung Khrista dak amangertem aika akümba aser Arogo kanga kera ainba kuli sayur.

Hibbs-i, iba ya ajanga akhidang Persian yimli (Iran) tesem ajaklen tanela temeshi asentenshi milak jangrutsü akok, ta metetdaksü.

Hibbs-i, tang Iran amakba ya yimtenren dak sendakba dang masü saka Laishiba den-a sendaktepa lir, ta metetdaksü.

ANOGO ABEN TSÜNGREM DEN

Tamangji kongshia metetta aitba masü

Yisui Sinagog kibur dang ashi, "Tetsübu, tamang dang amangang"

- Mark 5:36.

Ken ken asenoki kongshia aitba aser tamang aiteper aser tebilembaji tamang makaba ama bilemer. Tamangji tebilemba masü. Tebilemba mesüra tejangraba (emotion) tajangshiba shia melenshir. Tamangi Tsüngrem teti tamang katetba ta amanger aser taküm nung temelenshiba tia ajak aremzüker. Tamang aser kongshia metetba aser tamang anaji aiteptsü temela, saka kongshia metetbaji tamang dang nungi temelaba melenshir. Tsüngsang tajung, junger ta ashiba, jangratemtsü osang- item ajak yagi junga bilemdaktsür, saka itemji tamang agi adokdaksüba masü. Tamangji Yisu Khrista dak amangba. Ibai kongshia metetta aitba, melenshiaka odang alir.

TV nung noksa tajung, asaya tajung reprangba agi asenok peladaktsür. Mesüra asenok tanur ama dang aliba agi junger ta bilemdaktsütsü akok. Asenok temenen yimyai kangki nung Khristai asenok kechi inyak iba nung asen tamang masü saka koda bilemer ta tendangtsü akok. Gethsemane nung asen Kibuba Yisui Khristai pai asütsübaji tajung ta meblem, saka pai pa Tebu taochi ajungba aser alima nung Pa mission nung amang. Kongshia metetbaji liaka asenoki pa dak amangtsü akok.

Kibuba, ni kongshia metetba atena oa angutsü yariang, idangji ni kongshia metetba mezüngshi Ne dak amangtsü akok. Amen.

Pakistan nung Khristantem kiojen kümzüksü atema bill ka benok

March 06, 2026: Pakistan nung Punjab Province nungi Khristan legislator kati Tenla kitem densema Khristantem meyong kiojen kümzüksü atema bill ka benok.

Punjab province nung assembly züngsem, Falbous Christopher-i Khristantem densema nütsüng ajema alirtem kiojen aser tekülem kitem kümzüksü atema Punjab Protection of Communal Properties of Minorities Act 2026 benok.

Interview ka nung jembidang Falbous-i, "Iba ozüng ya ajanga nütsüng ajema alirtem indang kiojen kümzüksü. Iba ozüng ajanga Tenla kitem, Sikh nung tekülem kitem aser Hindu nung tekülem kitem kümzüksü," ta metetdaksü.

Iba bill ya Punjab province assembly nung o entepba sülen agizüksü akok. Iba ozüng ya Punjab province nung dang

benoktsü ajisüaka ibaji ajanga Pakistan tesem ajaklen-a benoktsüsa lenmang lapoktsütsütsü.

Punjab province ya Khristan nütsüng aika aliba region ka lir, anungji iba ozüng ya agizükra ibaji ajanga Tenla kitem aser Arogo meyong kiojen aika kümzüksü.

International Christian Concern (ICC Tir, Shawn Wright-i, "Onoki iba bill ya pelaa agizükra, koba ajanga province nung aliba Tenla kitem aser nütsüng ajema alirtem indang kiojen kümzüksü. Mapang talangka nungi Khristantemi timtem jenti ajangshia aruogo. Iba ozüng ya province ka nung dang benoktsü, ajisüaka iba ya Pakistan tesem ajaklen atema tatishitsüka asütsü," ta metetdaksü.

Iba bill ya tan ita nungsa Punjab province Assembly nung benoka o entepstü.

**AO OSHI ANGAZÜKDAK:
TANÜ ANGAZÜKTSÜBA OJANG**



Ungshina

(n) akuku agi akümbe ali naro (moss)
* Ungshina aliba tesem nung kanga kümdanga jajatsüla.

Ut

(n) litem lima nung khu abenba shiruru, tekong talang (camel)
* Lisem lima nung ut nung mener jajar.

OLONG PAITEP # 7435

1		2		3		4		5
					6			
7		8						
					9			10
	11							
12								
			13					
14			15				16	
17								
						18		

TIPLÉN

- TipLen
- 1. Lapok / Tenzük - (4)
- 6. Tarutsü indang tetzü - (4)
- 7. Yimer ajak - (7)
- 9. Ishika dang - (4)
- 11. Terongtong aser tepi tetsüngda - (7)
- 12. T _ _ _ _ i - (4)
- 15. Tsürabur nungi lezmükba - (7)
- 17. Tetsür tanur dang ajaba - (4)
- 18. Shirang ajung - (4)

LANGTSÜNGLEN

- 2. Pei tasoli - (3)
- 3. Iba anogo - (4)
- 4. Telemsa ka - (6)
- 5. Maneni - (3)
- 7. Tekaratiba nung - (5)
- 8. Ki temalen - (5)
- 9. Temejung - (5)
- 10. Teimla aka - (5)
- 11. Tajatsü - (6)
- 13. Molung - (4)
- 14. Anogo semer ka - (3)
- 16. Tashi balaka - (3)

OLONG PAITEP # 7434 TELANGZÜBA

TIPLÉN :

- 2. Pongsen, 5. Lepko, 7. Omen, 8. Maangka, 10. Yangkhu, 12. Senpong, 14. Angu, 15. Raksa, 16. Arameso

LANGTSÜNGLEN :

- 1. Alimang, 2. Pongen, 3. Samaru, 4. Nün, 6. Pio, 9. Nüngdak, 10. Yongya, 11. Kongro, 13. Ora, 14. Ata.

NAI-A YA METETTER MA



Malaysia nunger Prathab Muniandy dak tepo 42 lir aser iba ya "most teeth in a male mouth" ta Guinness World Records-i metetdaksüogo.
Arishi küm 33 tain Muniandy ya oil and gas industry nung engineer ka lir aser pai ashiba agi 2023 tetenzüklen tashi nung pa dak tepo 42 adok.

Arunachal sorkari free UPSC coaching & senotsü teyari agütsür

Itanagar, March 6, 2026
(Agencies): Arunachal Pradesh sorkari national-level competitive exams agütsünürtem ajungmesotsü atema teyari agütsür.

State sorkari Union Public Service Commission (UPSC) examination agütsünürtem nem free coaching aser national-level competitive exams agütsür nem senotsü teyari agütsür ta Education Minister Pasang Dorjee Sona-i ashi.

Assembly nung BJP MLA Wanglin Lowangdong-i asüngdangba langzüdang "New Delhi nung amenoka aliba institute ka ajanga lisopur kaketshirtem nem UPSC coaching angati agütsür" ta Minister Sona-i ashi.

Sorkarisa civil services examination nung preliminary stage ajangeter nem Rs 2 lakh aser mains examination agütsür nem Rs 3 lakh teyari agütsür ta paisa ashi.

Union Public Service Commission, including the National Defence Academy Examination (NDA), Combined Defence Services Examination (CDS), Indian Forest Service Examination aser Indian Engineering Services Examination ajanga agiba national-level examinations nung candidate nem Rs 2 lakh agütsür ta Minister Sona-isa metetdaksü.

Indian Institutes of Technology (IITs), Indian Institutes of Management (IIMs), All India Institute of Medical Sciences (AIIMS) aser National Law Universities amala rejutem nung admission anguba lisopur kaketshir nem khen atema teyari Rs 2 lakh agütsür ta paisa ashi.

State sorkarisa college ajak nung career counselling facilities amenokogo aser British Council India den yaritepa lisopur kaketshir

asoshi language enhancement courses ayongzükogo ta Sona-isa ashi.

Sorkari tangalen oa azünger kaketshirtem indang records mayur saka National Scholarship Portal nung aliba data ajanga Arunachal Pradesh nungi kaketshir 11,775 shi tangalen azünger ta paisa shisem.

Bendanglen azünger kaketshir teimba asütsü kechiyong aikati scholarships atema tenüng magütsür aser iba jagi parnok official records nung mali ta paisa metetdaksü.

Arunachal Pradesh Academic Excellence Scheme (APAES) kübok state sorkari tan financial year nung Rs 194.40 lakh lezmüksüogo. Iba ya QS World University Rankings nung top 150 nung dena aliba university nung higher studies azünger kaketshir pezü yaritsü atema lir ta Minister Sona-i ashi.

Assam nung lisopur Muslim nungeri BJP pusemer: CM Sarma

Guwahati, March 6, 2026
(Agencies): Assam nung lisopur Muslim nungeri Bharatiya Janata Party pusema nungiter aser BJP election fund nung tenla agütsüogo ta Chief Minister Himanta Biswa Sarma-i ashi.

Dibrugarh district kübok Rangoli Pathar nung lokti

sentong ka nung jembidang "lisopur Muslim nungeri BJP election fund asoshi Rs 11,000 tenlaogo. Iba atema kü temulung taroktiba nungi pelar" ta pai ashi.

"Ramadan temeshi ita nung tenla aruogo, iba mapang Muslim nungeri lumir aser sarasademer. Muslim nungeri

maneni sarasademtsü aser party asoshi temoatsü meshitsütsü imlar" ta Chief Minister Sarma-isa metetdaksü.

Assam nung assembly elections atongtsü jakdang CM Sarma-i Naharkatia tesem semdangdang iba osang lemsatsep.

Mizoram kübok yimtsüng 45 nung electricity mali

Aizawl, March 6, 2026
(Agencies): Mizoram nung yimtsüng 45 tashi un-electrified mesüra de-electrified lir ta Power and Electricity Minister F. Rodingliana-i ashi.

Bharatiya Janata Party (BJP) MLA Prova Chakma-i asüngdangba ka langzüdang "Revamped Distribution Sector Scheme (RDSS) kübok item yimtsüngtem nung electricity agütsütsü merangdar" ta pai langzü.

Iba atema senotsü lezmüksüogo aser contractor

asemi meta talang pilar aliba yimtsüngtem nung electrification works inyaksü ta Rodingliana-i ashi.

"Guaranteed Technical Particulars mulunga agizükogo aser yimtsüngtem-i supplies bener ogo" ta paisa ashi.

Mizoram nung transformers aika raksaogo aser 71 units yanglutsü atema senotsü atar. Teraksa liaka power supply nung timtem magütsür kechiyong anameta aliba transformers nungi electricity agütsüdar ta Minister-isa

metetdaksü.

"Distribution transformers ya mezüng formal survey ka agir aser iba sülen department indang head office nungi temelaba angur. Yamaji ser Silchar, Assam nung specialised workshops nung yanglutsü atema bener aoer" ta pai ashi.

Sorkarisa corroded electric poles melentsü atema sentong lir. Iba asoshi 2025-26 financial year nung Rs 2.70 crore lezmüksüogo ta Rodingliana-isa shisem.



Meghalaya Democratic Alliance (MDA) sorkari kümteter küm 8 ajungba tenüng nung "Our Magnificent Meghalaya Vision 2032" ta ser Tura nung P. A. Sangma Sports Complex nung sentong ka agidang tangokba noksa angur. Iba sentong nung Chief Minister Conrad K. Sangma, Deputy Chief Minister Prestone Tynsong, Deputy Chief Minister Sniawbhalang Dhar, Meghalaya Legislative Assembly Speaker Thomas A. Sangma, Tourism and Agriculture Minister Timothy D. Shira aser Public Health Engineering, Soil & Water Conservation and Housing Minister Marcuisse N. Marak nung aden.

US-i Iranian drone den raratsü teyari meshi: Zelensky

Kyiv, Metsüremi/March 06 (Agencies): Iranian drones nungi Gulf nung tembar linüktem kumzüka ayuba nung yaritsü asoshi US-i Ukraine dang asüngdang, ta Tir Volodymyr Zelensky-i ashi.

Ukraine tembar temia asüngdang aser America tsütsü nungia asüngdangba lir ta pai ashi.

Nüngdakba teyari agütsütsü aser nüngdakba security atema Ukrainian specialists alitsü atema totuyuba agütsüogo, ta Zelensky-i ashi.

Iba indang US Tir Donald Trump dang asüngdang dang, "Ni linük mashi nungi teyari mashi agitsü," ta langzü.

Taoba mapanga Zelensky-i Ukraine indang defence tashi mait makumtsüsa aser Kyiv asoshi tajangzük alitsüsa yaritsü ta jangja-jangja shia lir.

Russian ballistic missiles nungi kumzüka ayutsü atema Ukraine-i interceptor drones ya US Patriot air defences den melenteptsü mulungtsü ta pai shia liasü.

Middle East nung rara ajanga Ukraine ya par tembartem iba rara nung temulung agütsüra parnok tim atemtsü ta tetsübo nung lir.

Interceptor missiles anünga akumtsü akok aser totzü nung jenjang atuba ajanga Russia ajangzüksü akok ta tebilemstü akaba lir.

Zelensky-i item timtem ya angateta lir saka Ukraine linük tejangraba asoshi lenmang bushiner.

Pai Gulf nung United Arab Emirates, Qatar, Bahrain, Jordan aser Kuwait lenirtem den jembio go aser Iran-i amakba nungi par military bases aser civilian ki o jen kumzüka ayuba nung yaritsü asoshi tapet mera agitsü nangzüka lir.

"Parnoki Ukraine dang meshibaji kechiar tejangja lir," ta Zelensky-i social media nung ashi.

"Iran-i amakba ajangshia alirtem asoshi tebilemstü tulu lir - Shaheds, koba expertise shidak aser nok-nü teperi melie nokdangtsü tasak lir."

US-i teyari meshiba ya Ukraine nung asoshi takoksa

masü, shirnok Russia-i tashi ajak amshia amakba tsütsü US Tir Donald Trump policy mechi timtem ajurua arur.

Trump administration künok US-i mitkar nem indang-indanga teyari agütsüba anenogo, saka Ukraine-i drones aser missiles nungi kumzüka ayuba aser Russia linük telung nung maktetsüsa tongtipang itdangiter teyari agüja arur.

Ukraine-i küm aika teyari meshia aruba sülen tang tensa melenshiogo aser Zelensky-i yimtenren, mitkar aser rongsenketzüng tsütsü maongka ka ama iba mapang ya amshiner.

Gulf nungi lenir aika Kyiv nung jembishinü akatsü arua lir. Tezüngzüktep ka meyangu tashi Ukraine yimtiba nung alitsü parnok dang shiogo ta osang ka ajanga ashir. UK-ia Qatar yaritsü asoshi lenmang bushitar ta ashir.

Gulf partners nem air defences teperi agütsüba ajanga jenjang talang drones khazüka yoktsü atema jenjang tulu aliba aser kanga anünga aliba Patriot missiles mamshidaktsütsü Zelensky-i imlatsü akok.

Ukraine nung Patriot air defences agi anünga lir aser Kyiv-i ibaji aika Middle East

nung indoktsü memulungtsü.

Ukraine-i Patriot PAC-3 missiles 800 shi tawa amshio go ta Zelensky-i Brestobarnü osangbener dang shia liasü.

Ukraine-i interceptor-drones ya ita ka nung 10,000 tashi yanglutsü, saka bendanglen tembar linük nung agütsütsü indang jembishinütsü ya Ukraine nung tematiba jenjang nung political approval nüngdaktsü, ta Ukrainian Council of Defence Industry tekolakba lhor Fedirko-i shia lir.

Aser Ukraine nung yimten yimsüsür temi tarutsü nung itemji agütsütsü asoshi temelaba agüjaka, air defences junga amshitsü asoshi nüngdakba angazüksü aser training agütsütsü tasakba asütsü, ta Fedirko-i ashi.

"Tesayuba aser training melira item nok-nü ya plastic aser yinsang dang lir," ta pai ashi.

"Onoki item oset ya yoktetsü. Saka nenoki aji amshia kechi inyaksü? Nenoki komaser nok-nü ama amshitsü? Shibai nenok dang sayutsü?"

"Tangbo Ukraine nung onok indang training centres ya ozü indang armed forces aser civilian temi sünga lir," ta pai ashi.

OFFICE OF THE MERANGKONG SENSO JAMIR KIDONG TELONGJEM

Merangkong, Pin-798618
Dist. Mokokchung: Nagaland



TENUNGSANG AGUSTÜR

Merangkong Jamir Kidong Telongjem mendenti ajanga NPSC ketdang sua akiba Combined Technical Services Exam 2025 nung **Sp. Tsuknungmeren**, Wb. K Imlitemjen Jamir aser Wt. M.Amenla na jabaso-i Junior Engineer (Electrical Engg) under Power Department, Govt. of Nagaland nung takok tulu aser konang nung sang bener arotsü nung kidong tenung nung pa nem tenung sang aser tetushi tulu agutsür.

Sd/-
M. Jongpongyanger
President

Sd/-
Tiawapang
General Secretary

TENUNGSANG AGÜTSÜR



Dr. Imlisongla Aier, (D/O Mr Yaryongdang Aier & Mrs L Yabangla Jamir) Project Scientist, IIT, Delhi nem kanga jenjang aketba konang "Nagaland Science & Technology Award 2025 - "Young Scientist Award" agütsüba osang angashia kanga pelar aser Kibenchang Semchir Telongjem, Mopungchuket-i la nem tenüngsang tulu agütsür.

Science & Technology maparen nung Nagaland government-i agütsüba tematiba konang ya la nem 'National Science Day', 28th February 2026 nung agütsüogo.

Iba ama takok tulu ngua konang nüngsang bener aruba ya pei kin-kidong aser lokti asoshi akhüm aser nümadangtsü mapa tuluka lir. Lai tajungtiba takok angutsü atema meranga aser bendanga agüja inyakba mapatem ya lanurtem asoshi tajungshi aser tayongzükba mapa tuluka asütsü.

Ano, maneni tarutsü nunga la nem Tsüngremi takok tajung agüjangma ta Kibenchang Semchir Telongjemi sarasademtsür.

Sd/-
President
Kibenchang Semchir Telongjem, Mopungchuket

Sd/-
General Secretary

OFFICE OF THE KOHIMA CHUCHUYIMLANG KAKETSHIR TELONGJEM TENUNGSANG AGÜTSÜR



Er. Markumla Jamir



Er. Moalong Jamir

Er. Markumla Jamir, D/o. Kinazulu Jamir aser Er. Moalong Jamir, S/o. Ozungtemjen Jamir nati NPSC CTSE 2025 ajangteta PHE Dept. kükok J.E mapa ngutetba atema Kohima Chuchuyimlang Kaketshir Telongjem ajanga tenüngsang agütsür.

Tenati bendanga agütsür, tezü metangi meranga azüngba ajanga yimer asoshi konang aser tetushi bener arutsüogo. Tena tarutsü wadang aser nübur tenzükba nung maneni takokba lidakjang ta KCKT-i sarasademtsür.

Sd/-
Imtilong Jamir
President, KCKT

Sd/-
Akumsangla Jamir
General Secretary, KCKT

ALI TAYOKTSÜ LIR

AT KHEKHOKHU VILLAGE NEAR NAGALAND BAPTIST COLLEGE REASONABLE PRICE - NO BROKER CONTACT : 9612633017 / 9366303994

GOVERNMENT OF NAGALAND MOTOR VEHICLES DEPARTMENT OFFICE OF THE TRANSPORT COMMISSIONER NAGALAND: KOHIMA.

email: commrtrans-ngl@nic.in

NO. TC/ACCTT/313/2025

Dated 3rd March, 2026

NOTICE INVITING TENDER

The Transport Commissioner, Motor Vehicles Department, Nagaland, Kohima on behalf of the Governor of Nagaland invites bids on percentage basis at par/above NPWD Schedule of Rate 2021 for the under mentioned work from Class-I registered Contractors of Nagaland PWD/CPWD/MES.

Sl. No	Name of work	Estimated cost (In ₹.)	Earnest money (In ₹.)		Time for completion
			Local	Non-Local	
1	Construction of 4 (four) unit flat type Staff Quarter at Inspection and Certification Centre, Chumoukedima	₹ 1,54,41,500/-	₹ 1,54,415/-	₹ 2,31,623/-	24 (twenty four) months

- Sealed tenders in 2 (two) separate envelopes system of Bid will be received up to 20.03.2026 till 4.00 PM in the Office of the Transport Commissioner, Motor Vehicle Department, Kohima.
- The first envelope containing Technical Bid will be opened on 23.03.2026 at 1.00 PM and evaluated by the department for the qualified tenderers. The second envelope containing Financial Bid of those bidders who qualify the technical bid shall be opened on 24.03.2026 at 2.00 PM in the Office of the Transport Commissioner, Kohima.
- Intending Bidders are advised to purchase the tender documents from the office of the Executive Engineer (Construction), Dimapur, Nagaland from 05.03.2026 upto 19.03.2026. The Tender documents shall be issued on payment of Rs. 5,000/- (non-refundable) during office hours.
- Tender documents in respect of eligible registered Contractors will be issued provided they have completed one similar nature of work during the last 5 (five) years ending 28.02.2026 costing not less than 60% of the tendered amount. Copy of the work order and completion certificate from the concerned competent authority should be furnished.
- Detail terms and conditions of tender will be made available in the office of the Executive Engineer (Construction), Dimapur, Nagaland.

(ELIAS T LOTH)
Transport Commissioner
Nagaland: Kohima.

Form No. INC-26

[Pursuant to the Rule 30 of the Companies (Incorporation) Rules, 2014]

Advertisement to be published in the newspaper for change of registered office of the Company from one state to another

BEFORE THE CENTRAL GOVERNMENT, REGIONAL DIRECTOR, NORTH EASTERN REGION, GUWAHATI

In the matter of sub-section (4) of Section 13 of Companies Act, 2013 and clause (a) of sub rule (5) of Rule 30 of the Companies (Incorporation) Rules, 2014

AND

In the matter of

CSA CORPORATION PRIVATE LIMITED
(CIN: U52210NL2008PTC008374)

having its registered office at

H.No. 297, 1st Floor 17, Aoyimkum Village, Dimapur, Nagaland- 797112

.....Applicant Company/Petitioner

METETDAKTSÜR

Company indang Registered Office "State of Nagaland" ta aliba nungi "NCT of Delhi" ta melentsü asoshi Extra Ordinary General Meeting ka **February 28, 2026** nü amendang pangzüng balaka renemba nung ajemdaker 'confirmation of alteration of the Memorandum of Association of the Company' atema Companies Act, 2013 indang Section 13(4) kükok iba company yagi Central Government, Regional Director, North Eastern Region dang application agütsütsü benoka lir ta nüburtem dang metetdaksür.

Company indang registered office melentsü aliba ajanga kongshitsü ama aliba nisung mashi kati MCA21 Portal (www.mca.gov.in) ajanga investor complaint form fill up sür agütsütsü mesüra pa/lai tai apuba ya kuli tejangja affidavit nung shia zülur registered post ajanga **Regional Director, North Eastern Region dangi address: 1st floor, BSNL Bhawan, Pan Bazar, Guwahati- 781001** nung iba sangdong adoker anogo 14 tsüngta registered office H No. 297, 1st Floor 17, Aoyimkum Village, Dimapur, Nagaland- 797112 nung Applicant Company indang copy ka dener yoktsüla.

CSA Corporation Private Limited asoshi aser tenüng nung

Tesem:

Anogo:

Director
Abhinav Mittal
DIN: 00528764

Pukiye Shohe aser Menuokhriezo Metha nati 1st NWA Championship kokogo



Kohima, Metsüremi/March 06 (TYO): Sumi Wrestling Association nungi Pukiye Shohe aser Angami Wrestling Association nungi Menuokhriezo Metha nati Nagaland Wrestling Association (NWA) indang Provisional aser Under-15 Categories takok ngua liasü. Iba asayamung ya Khuochiezie, Kohima Local Ground nung March 6, 2026 nü ayongzüka liasü.

1st Provisional Naga Wrestling Championship nungya NWA indang units trok - Chang, Lotha, Pochury, Rengma, Sangtam aser Sumi nungi melangteper ti liasü.

Iba category nung Pukiye Shohe-i tematiba jenjang nguteta senpet sen 2 lakh angu. Lotha Wrestling Association nungi Yankithung Shitiri-i tanabuba jenjang tongtet, Sangtam Wrestling Association nungi Lumthsa L Sangtam-i tasembuba aser Rengma Wrestling Association nungi Jochuhyu Semy-i pezübuba jenjang tongteta parnoki senpet sen 1 lakh, 80,000 aser 60,000 agizüka liasü.

NWA nung affiliate süa aliba tongti unit asem - Angami, Chakhesang aser Zeliang tsüingta Under-15 category ya

tang mezüngbuba ayongzüka liasü. Iba tetoktepa nung Menuokhriezo Metha-i mezüngbuba, Chakhesang Wrestling Association nungi Mudoto Dozo-i tanabuba aser Chakhesang Wrestling Association nungi Kütho Puro aser Chüre Pohen nati tasembuba aser pezübuba jenjang nguteta liasü.

Parnoki senpet sen 1 lakh; 80,000; 60,000 aser 40,000 agizüka liasü.

Iba asayamung sentong akhumdong ka ama Minister, Tourism and Higher Education, Temjen Imna Along dena liasü.

Ministry of Tourism, Government of India aser Tourism Department Nagaland ajanga tashi agüja ayongzüka Naga Wrestling Festival ibai mezüngbuba liasü aser Minister Along-i traditional sport temaba jenjangi ajungkettsü mechi iba benjong ya küm shia amungtsü, ta sangdong.

Naga traditional wrestling ajungkettsü ya association kisüing tebilemsü masü saka Naga nung lanur aser kin balala teinyaktsü lir, ta Minister Temjen Imna Along-i ashi.

Nagaland ya wrestling nung kisüing masü saka danga

wadang nunga terenlokba lir, ta pai ashi.

Naga nung ya dak saisapongtsü sempet lir, aser saisapong nung temulung agütsütsü ajungshitsüla, ta pai ashi.

Saisapong nung takok anguba ajanga kibong aser state dangi konang bener aruba kisüing masü saka asayar aser nüburtem rongsenketzüng nunga yarir, ta ashi.

Minister-isa NWA dang Naga wrestling temaba jenjangi ajungkettsüba asoshia pelaba lemsatepa liasü.

Iba sentong nung NWA Advisor Lhoubeizo Kesiyie-i pela agizükba o jembi, kong NWA general secretary Kenlum Hemang menden liasü.

Senior Pastor, Chakhesang Baptist Church Ministers' Hill, Rev. Dr. Vevo Phesao-i sentong tenzüka sarasadem aser Chakhesang aser Sumi kin ajanga sobaliba ken tena liasü.

Honibarnep 9:00 ako nungi tenzüka 30th Naga Traditional Wrestling championship nung Nagaland Chief Minister, Dr. Neiphu Rio sentong akhumdong asütsü aser Wrestling Federation of India tir Sanjay Kumar Singh tetushi tesemdang asütsü.

Donald Trump-i White House nung Lionel Messi pela agizük

Washington, Metsüremi/March 06 (Agencies): US Tir Donald Trump-i Hokulbarnü White House nung Argentina nung World Cup akoker Lionel Messi agizüka liasü.

Arishi küm 38 tain tiben Ballon d'Or winner aser pa den külemi asayartem ya White House nung agizüka MLS Cup akokba asoshi tushia liasü, kong Messi-i aniba Herons-i 3-1 agi Vancouver Whitecaps madak takok ngua iba takok marok ajungketa liasü.

"Tanü 2025 MLS Cup Champions, Inter Miami CF

jaokba asoshi pelar aser American tir shingaia taoba mapang "Welcome to the White House, Lionel Messi!" ta meshidangba ashitsü ni maongka anguba asoshi kangasa pelar," ta Trump-i ashi.

"Ni asaya nung asayar tajung aika nguogo. Parnok Yankees-i arur mesüra Dodgers-i arur, aser yangji konang tulu lir," ta pai ashi.

"Leo, na aru aser nai akok. Nai nisung ajak dak tuluba khuret aben, kechiaser nai akoktsü ta imlaa liasü."

"Na Pele dang tajungba

asütsü," ta Trump-i ashin aser Inter Miami nung asayar temia aji shidak ta agizüka liasü.

Herons ya meina kibur Jorge Mas arua liasü aser pai Trump nem pink jersey nung number 47 zülur agütsü, koba tetetzü USA indang tir 47 buba alitsü.

"Asenoki asayar tajung den asayatetsü. Asen league ya alima nung tematiba leagues rongnung ka asütsü," ta Mas-i ashi.

"MLS Cup championship benjonga onoki iba tesem semdangba ya tatem masütsü imlar," ta Mas-isa ashi.

STATE OSANG :

Tapak 1 nungi...

N.U pur 8th convocation sentong...

Nagaland Dy. Chief Minister, T.R Zeliang-i mapang tatsüka agidang, state nung India tatong tir agizükba ya kanga dang nüma atanger aser tetushi lir, ta ashi. Iba sentong ajanga takoker kaketshirtem ajungmesor ta shia pai kaket shisashiba tongtibang jenjang ka atongtsü asoshi parnoki meranga inyakba aser tashi ita inyakba asoshi tenüngsang agütsü.

Shisaliruun ya degree anguba dang masü saka nisungtem dak aria bilem aser shisa taka lenirtem akümsü asoshi shisatsü aser jenjangtem anguba lir, ta T.R-i ashi. Paisa Nagaland ya tongtibang lenjem ka nung noktaka lir, anungji, lanurtem dang yimjung yanglur kaka akümsü aser linük yangerba nung shilem agitsü ayongzüka. Paisa, tsüraburtemi pei chir taküm aser takok anguba nung tongtibang shilem agiba asoshi pelaba den takokertem dang ajemalutsü, linük yangerba nung bendanga agütsütsü aser tenzüka tanela ayutsü ayongzükssem.

Vice-Chancellor, Jagadish

Kumar Patnaik-i tarur ajak pela- a agizük aser N.U indang takok balala den tang teinyakdak aroka bushiba wadangtem, aser northeast region nung shisaliruun ajungtsü atema inyakba aser meimchir dak aketba sempet balala terenlok atema inyakba kar lemsatep.

Tanü iba sentong agidang, national song "Vande Mataram" ken atemba mapang Nagaland University nung azünger kaketshir aser shisashir (scholars)-temi democratic yimya nung ola madoki (mekorai) iba ken anema lungkak aitba sayua pei amenba menden nungi menoktak.

Tanep iba sentong metenzük dang India tatong tir, C.P Radhakrishnan-i HEFA Phase-II mapatong asoshi nungshilung ka azüngtsü. Tanü India tatong tir den meina arur rongnung Nagaland nungia RD & SIRD Minister Metsübo Jamir, PWD (R&B) Minister G. Kaito Aye aser PWD Housing & Mechanical Minister P. Bashangmongba Chang densema liasü.

Chümoukedima nung State Export...

NITI Aayog Export Preparedness Index nung Nagaland-i shilem tajung agiba ajanga leader category nung densemogo. Northeastern state tem nung Nagaland mezüngbuba jenjang aser linük sasep nung tasembuba jenjang nung takok nguogo ta laisa ashi.

Department of Industries and Commerce-i February 6, 2026 nü Indian Institute of Foreign Trade (IIFT), Kolkata den Memorandum of Understanding ka nung sign

sütepogo. Iba agreement nung Export Facilitation Centre ka amenoktsü dena lir.

RAMP programme kübok Department of Industries and Commerce-i capacity-building aser awareness initiatives aika ayonga agiogo. Item sentong ajanga MSMEs 16,000 shi tongogo aser iba nung meta talang pilar aliba yimtsüngtem nungi entrepreneurs densema lir.

Department-isa tarutsü nung yaritsü atema entrepreneurs 750 shi shimteta lir.

STATE OSANG :

Tapak 2 nungi...

Dimapur nung DISHA senden amen

Iba senden nung Advisor, Labour & Employment, Skill Development & Entrepreneurship & Excise, Moatoshi Longkumer-i MP aser tongtipang nisungtem pela agizük aser Jamir-i Dimapur semdangba asoshia pelaba lemsatepa liasü. Dimapur ya Naga nung ajunga meyong lir, kechiaser yangi kin ajunga nungi adenshia alir aser mapa inyaker, ta MLA Moatoshi-i ashi.

Danga district tem timba kin ka dak sendaka lir, saka Dimapur yabo Naga nung ajunga asoshi lir, anungji iba district terenlok atema MP-i balaka temulung agütsütsü ayongzüker, ta pai MP dang ashi.

Dimapur nung tongtipang district ka kumogo, aser tuluba akümsü aser ki o jen terenlok asoshi ali kanga ajema lir, anungji tang aliba ki o jen tajungba kumdaktsüba aser tashi itshiba nung rangloksüla, ta Longkumer-i ashi. Deputy

Commissioner, Dimapur, Dr. Tinojongshi Chang-ia senden nung adeneritem pela agizük aser mapang indoka iba senden nung arua adenba asoshi pelaba lemsatep.

Mezüngbo iba senden ya taoba küm amentsü liasü, saka maparen balala aliba mechi thinena arua liasü, ta pai metetdaksü. Iba senden nung sorkar indang schemes balala Dimapur district nung mapa kuma inyakba indang asadangtepa jembishinüba mapang timtem ajuruba indanga ketdangsurtemi lemsatepa liasü.

Dimapur district kübok DISHA züngsem temi department inyaksangshi indang copy ana agütsü.

Iba senden nung PHED, Medical, Education, Finance, Social Welfare, Urban Development Nagaland Pollution Control Board aser DRDA ajanga PowerPoint presentation agüja liasü.

BILEMDANGANG

"Nai temulung melemra na pila oang."